

ماهينور المصري بعد الإفراج عنها: خروجي مسيس!!



الاثنين 22 سبتمبر 2014 12:09 م

قالت ماهينور المصري، الناشطة السياسية المفرج عنها، إن الإفراج عنها ووقف تنفيذ الحكم بحبسها 6 أشهر هو حكم مسيس وليس له علاقة بالقانون، مؤكدة أنها ستستمر في نضالها الثوري حتى خروج جميع المعتقلين من سجون الانقلاب []
وأضافت ماهينور، في تدوينة لها عبر حسابها بموقع التواصل الاجتماعي "فيس بوك": "أول لما عرفت موضوع وقف التنفيذ انتابني شعور بالرعب شديد .. الحقيقة انا لما قررت أحضر جلسة معارضتي كانت عشان نيين مش بس ظلم قانون التظاهر و لكن كمان عشان نيين للناس أن النظام مش بس استبدادي و لكن كمان مش عارف بيعمل ايه"
وتابعت: " طبعاً ناس حتقولي خللي عند اهلك دم دول لسة مطلعينك و الحقيقة ده موضوع بياكد وجهة نظرنا ان الموضوع كله مسيس و مالوش دعوة لا بقانون و لا بجلب استقرار لأنهم بكل بساطة عايزين يعملونا وردة في عروة الجاكيت للنظام .. يطلعوا كام شخص برة السجن و كان النظام ديمقراطي في حين أن فيه آلاف في السجن".
وتساءلت الناشطة السياسية: "أصل ايه المنطق أن لؤي و عمر حاذق و اسلام حسنين و ناصر أبو الحمد يتايد عليهم الحكم بستين و انا انزل ل 6 شهور و بعدين آخذ وقف تنفيذ مع اننا في نفس المركز القانوني!!"
واستطردت قائلة: " المهم أن طبعاً الضغط اللي عملاه حملات زي جينا اخرنا و الأمعاء الخاوية بيجيب تأثير و لازم نضغط لإخراج كل المعتقلين المظالم".
وختمت حديثها قائلة: " الحرية لعمر حاذق و لؤي القهوجي و اسلام حسنين و ناصر أبو الحمد و محمد سلطان و محمود نصر و دومة و عادل و ماهر و أمام و ابراهيم اليماني و سناء سيف و سار سلام و ناهد بيبو و سماح سمير و اسماء حمدي و هنادي محمود و الاء محمد و عفاف أحمد و رفيدة إبراهيم و فاطمة نصار و هبة سامي و السيدة فودة و وداد كمال .. الحرية لكل المعتقلين .. لا تخافوا من الذين يحبسون الجسد .. مش خايفين و مكملين".